



प्रेस विज्ञापित



# नेपा: राष्ट्रिय पार्टी नया: राष्ट्रिय पार्टी Nepa Rastriya Party

राज्य सत्तां पिनेलाका तपिं जाति, भाषा व क्षेत्रया जनताया समस्या समाधान व राज्य सत्ताय् अमिगु समान व समावेशी पहुँचया नितिं संविधानसभापाखें संविधान निर्माण यायेमागु खः । संविधानसभापाखें नेवा: लगायत थी थी आदिवासी जनजाति व मधेसीया मागयात सम्बोधन याना: राज्य पुनरसंरचना लिसें जातीय, भाषिक व क्षेत्रिय पहिचान सहितया संघिय प्रदेश सुनिश्चित जुइ धका: ग्याना खसअहंकारवादी व ब्राम्हणवादी सोच दुपिं तःधंगु पार्टिया शीर्षस्थ नेतातय्गु जातीय अहंकारवादी सोचं संविधानसभा विघटन जुगु नेपा: राष्ट्रिय पार्टिया ठहर खः । संविधानसभाया विघटन लिपा संवैधानिक शून्यता मवेकेगु नितिं सरकारपाखें घोषणा यागु न्हूगु संविधानसभाया निर्वाचन छगू पाय्छिगु लोकतान्त्रिक विकल्प खः । विघटित संविधानसभाय् संघिय प्रदेशया निर्माणया खँय् जातीय पहिचान सहित प्रदेश निर्माणया पक्ष व विपक्षय् संविधानसभाय् सभासदया ल्याखय् विभाजित जूगु मखसे संकिर्ण सोच दुपिं छगू जातया मनूतय्सं नेतृत्व यानाच्वंगु राजनैतिक दलया ल्याखं विभाजित जूगु खः । जातीय पहिचानया पक्षधर सभासद् दुगु संविधानसभापाखें जातीय पहिचान साहितया प्रदेश सहित संघिय गणतन्त्र नेपालया संविधान जारी यायेमालीगु भयं संविधानसभा विघटन यागु खः ।

आ: जुइगु न्हूगु संविधानसभाया निर्वाचन धैगु जातीय पहिचान सहितया संघीयताया पक्षधर व विपक्षयाना निगु पक्षय् जुइगु स्पष्ट दु । जातीय पहिचान सहितया संघिय राज्य निर्माणया पक्षय् धिसिलाक दनेत संकिर्ण बिचाःदुपिं छगू जातया मनूतय्सं नेतृत्व यानावया च्वंगु छुं नं पार्टी दुने च्वना सम्भव मद् । पहिचान सहितया नेवा: राज्य संविधानय् सुनिश्चित यायेत आ: थी थी राजनैतिक दलय् च्वनाच्वपिं नेवा:त व सकल अधिकारकर्मीत थःगु विस्कं अस्तित्व व भूमिका दुगु मुक्कं नेवा:तय्गु राजनैतिक दलय् आवद्ध जुया न्ह्यावनेगु थौया मू आवश्यकता खः । सकल नेवा:तय्गु पार्टीपाखें थःगु पहिचान सहितया राज्य प्राप्तिया नितिं वगु थुगु अवसरय् नेपा: राष्ट्रिय पार्टी दुने गोलबन्द जुया न्ह्यावनेत आह्वान यानागु जुल ।

ने.सं. ११३२ तछलाथ्व दशमी

३१ मई २०१२

किरण शाक्य  
प्रवक्ता

Chagaa, Ward No. 15 KMC, Link Road, Bishnumati.

Tel : 01 4279570,

Email - nepaparty@gmail.com